

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্র সরকার রাঙ্গুনিয়াতে নতুন সংরক্ষিত বন এলাকার প্রশংসা করলো

রাঙ্গুনিয়া, ৯ই মে -- বাংলাদেশ সরকারের পরিবেশ ও বন বিষয়ক প্রতিমন্ত্রী ড. হাসান মাহমুদ ও যুক্তরাষ্ট্র রাষ্ট্রদূত জেমস এফ. মরিয়ার্টি আজ চট্টগ্রামের রাঙ্গুনিয়ার কাছে একটি নতুন সংরক্ষিত বনাঞ্চল উদ্বোধন করেন। এই নতুন এলাকাটি দুধপুকুরিয়া-ধূপচারা অভয়রাগ্য নামে পরিচিত হবে। গত ৬ই এপ্রিল তারিখে বাংলাদেশ সরকার এই এলাকাটি এবং আরো তিনটি এলাকাকে সংরক্ষিত বনাঞ্চল হিসেবে ঘোষণা করে। এর ফলে আরো প্রায় ১০ হাজার হেক্টর মারাত্মক ঝুঁকির সম্মুখীন প্রাকৃতিক এলাকাকে দেশের সংরক্ষিত বনাঞ্চলের নেটওয়ার্কে যুক্ত করলো। আর এই ঘোষণার সাথে সাথে বাংলাদেশের প্রায় ২৬০,০০০ হেক্টর জমি সুরক্ষিত হলো।

যুক্তরাষ্ট্র আন্তর্জাতিক উন্নয়ন সংস্থা বা ‘ইউএসএআইডি’-র অর্থায়নপুষ্ট “সমন্বিত সংরক্ষিত এলাকা সহ-ব্যবস্থাপনা” (আইপিএসি বা আইপ্যাক) প্রকল্পটির মাধ্যমে যুক্তরাষ্ট্র সরকার বাংলাদেশ সরকারের এই চারটি পরিবেশগতভাবে গুরুত্বপূর্ণ প্রাকৃতিক এলাকাকে সংরক্ষিত বনাঞ্চল হিসেবে ঘোষণা করার প্রক্রিয়ায় সহায়তা করেছে। এই সব নতুন সংরক্ষিত বনাঞ্চলের অভ্যন্তরে ও আশেপাশে বসবাসরত জনগোষ্ঠীগুলোর সমন্বয়ে একটি সহব্যবস্থাপনা কমিটি গঠনে ‘আইপ্যাক’ পরিবেশ ও বন মন্ত্রণালয়কে সহায়তা করবে।

‘আইপ্যাক’ প্রকল্পটি সারা বাংলাদেশের ৫০টি জলাভূমি ও সংরক্ষিত বনাঞ্চলের সুষ্ঠু ব্যবস্থাপনার জন্য পরিবেশ ও বন মন্ত্রণালয়ের সাথে কাজ করছে যার মাধ্যমে এদেশের পঁচিশ লাখ মানুষ লাভবান হচ্ছে। সংরক্ষিত এলাকার ব্যবস্থাপনায় যুক্তরাষ্ট্র সরকার সংরক্ষিত এলাকার অভ্যন্তরে ও এর আশেপাশের এলাকায় আরো স্বচ্ছ শৌসন ব্যবস্থা প্রতিষ্ঠা করতে বাংলাদেশ সরকারের সাথে ঘনিষ্ঠভাবে কাজ করবে। একই সাথে এখানে স্থানীয় সরকারের পাশাপাশি স্থানীয় সম্প্রদায়ের অংশগ্রহণ নিশ্চিত করার জন্যও যুক্তরাষ্ট্র সরকার কাজ করবে।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।